

姜佐景按：大论原文煎法，用清酒七升，水八升，合煎。吾师生之用本汤，每不用酒，亦效。唯阿胶当另烊冲入，或后纳烊消尽，以免胶质为他药粘去。余用阿胶至少六钱，分二次冲，因其质重故也。

曹颖甫曰：阳气结涩不舒，故谓之结，阴气缺乏不续，故谓之代，代之为言，贷也，恒产告罄，而称贷以为生，其能久乎？固知《伤寒·太阳篇》所谓难治者，乃专指代脉言，非并指结脉言也。

唐左

初診 十月二十日

脉结代，心动悸，炙甘草汤主之，此仲景先师之法，不可更变者也。

炙甘草四钱	川桂枝三钱	潞党参三钱
阿胶珠二钱	大麻仁一两	大麦冬八钱
大生地一两	生姜五片	红枣十枚

姜佐景按：唐君居春申，素有心脏病，每年买舟到香港，就诊于名医陈伯坛先生，先生用经方，药量特重，如桂枝、生姜之属动以两计。大锅煎熬，药味奇辣，而唐君服之，疾辄良已。今冬心悸脉结代又发，师与炙甘草汤，服至三五剂，心悸愈，而脉结代渐稀，尚未能悉如健体。盖宿疾尚赖久剂也。君又素便秘，服药则易行，停药则难行，甚须半小时之久，故师方用麻仁一两之外，更加大黄三钱。

二診 十月二十三日

二进炙甘草汤,胃纳较增,唯口中燥而气短,左脉结代渐减,右脉尚未尽和,仍宜前法加减。加制川军者,因大便少也。

炙甘草五钱	川桂枝四钱	潞党参五钱
阿胶珠二钱	大熟地一两	大麻仁一两
大麦冬四钱	紫苏叶五钱	天花粉一两
生姜三片	红枣七枚	制川军三钱

某胞丁

昔与章次公诊广益医院庖丁某,病下利,脉结代,次公疏炙甘